

## 2 Timoti

### Nəkwəkwə yame ror kīraru kīn, yame Pol rīmīrai kīmi Timoti

## Nəgkiarien kupən ye nəkwəkwə e 2 Timoti

**?Pa rīmīrai nəkwəkwə e?** Aposol Pol rīmīrai nəkwəkwə e.

**?Rīmīrai ramvən kīmi pa?** Rīmīrai ramvən kīmi Timoti. Kīni in morkeikei mə nəməhuak mīnə apa Efesas tüksəvhēkīn mīn.

**?Narəyen rīmnhawor pən iran mīne ye nīpig rīmīrai?** Japta infamien kape Ol Wok ramni mə nīpig gavman kape Rom rīmīraptərəkīn Pol apa Rom, kīpəh nīvəhsi-pənien in ye kalabus; kīvəhsi-pən əmə in ye kafan nīmə, kīni mobael mīnə kīmīsarha tukun apaikīn, masarə iriə mīn, mə in tukrīpəh napien. Kīni ai, gavman rīmnhēr-yerhav kīn, in rəriwək əmə kape newk kīraru. Mərig nīpig rīmīrai nəkwəkwə e 2 Timoti, gavman kape Rom rīmīvəhsi-pən mīn in ye kalabus. Kalabus a ikīn rahas pīk ikīn. Mərig Ol Wok rəpəh nəvsaoyen kīn narīmnar mīnə a. Nīpig nəkwəkwə a rīmnr ta infamien, narīmnar a rīpior. Kalabus a in rəutən ikīn, kīni rīskai tuk narmamə tuk nīvənien mīvaag pən kīn. Luk əmə iriu mīn. Mərig Pol rorkeikei mə Timoti tukruə məm in meinai in kafan fren atuatur. Kīni morkeikei mə Timoti tukrīpīk nəkwəkwə mīnə kafan muə.

**?Rīmīrai nəkwəkwə e tuk naha?** Pol rīrkun mə pəh nien mə tuktu gavman tukrhōpni in. Ror

məkneikin in rimirai nəkwəkwə e tuk nərəhu-pənien niməhuak ye kwermi nəmehuə pisin minə tiksın rəmhen kın Timoti. Nipig əutən minə kamhauə tuk niməhuak, kını Pol rorkeikei mə Timoti tukramraptərəkın Nəvsaoyen Huvə, kını mərer tımtim ye nhatətəyen kafan, kını mipəh niginien kın nini-ərhavyen Nəvsaoyen Huvə, mərer matuk tuk nərigien nəmhəyen ye nıpran tukmə nahasien ruə.

*Pol rimə nəkwəkwə e, ramvən kimi Timoti*

<sup>1</sup> Timoti. Yo Pol. Kughen rimirpen-ta yo mə yo aposol kirik kape Yesu Kristo. Kını mher-pə kın yo mə jakni-ərhav promes kafan kape nımraghien rerin ye Yesu Kristo. <sup>2</sup> Yakamrai nəkwəkwə e kimik, Timoti. Timoti, ik narik yame yakorkeikei pik. Pəh Kughen, Rımtawə, mine Yesu Kristo Yermaru kapətawə, iriu tukravəhsi-pre nihuvəyen, mine norkeikeiyen mine nəmərinuyen kimik.

*Pol ravəhsi-haktə nətərigien kape Timoti*

<sup>3</sup> Nipig m-fam, yenpig mine yeraan, yakaməhuak tuk ik, kını mamni vi vi Kughen tuk ik. Kını yo, yakor wok kafan rəmhen kın yame rıpik minə kimisor, kını yakirkun mə norien has kirik rirkək irak. <sup>4</sup> Rikik raməsik nehe nımrim, kını yakorkeikei pik mə jakəm min ik, pəh rikik tukragien. <sup>5</sup> Rikik raməsik nhatətəyen əfrakis kafam, rəmhen kın yame kafam kaha e Loes mine nisnim e Yunis kimirivəh. Kını yakirkun mə taktəkun ai, ik min nakavəh nhatətəyen a.

6 Kughen rīmivəhsi-pre nirkunien kīmik tuk norien wok kafan nīpig yīmnərəhu-pre kwermik iram. Kini, yakamuh rikim mə takher nap yerkim tuk norien wok a. <sup>7</sup> Meinai Kughen rīmipəh norien rikitawə rīgīn, mərig rīmnor rikitawə mə tukramətgah, mamorkeikei, mamor norien yamə mine in rirkun mə kīsatuatuk.

<sup>8</sup> Kini mərig ik, takpəh naurisien tuk nini-ərhavyen Yesu Yermaru, kini mipəh naurisien kin yo yame kīvəhsi-pən yo ye kalabus tuk nhagin. Yakamərig nəmhəyen tuk Nəgkiarīen Huvə kape Kughen. Kini Kughen tukrīvəhsi-pre nəsanīnien kīmik, takaməkeikei mor rəmhen kin yame yo yakamor.

<sup>9</sup> Kughen rīmivəh mīragh ətawə mokrən kin ətawə tuk nīmraghien yame ratuatuk, kini nar a, pəh nien mə nar kirik yame kitawə kasor. Mərig In ramor ye kafan atuk nətərigien, mine nihuvəyen kafan.

Nīpig rīmipəh nor-hanəyen tokrei tanə,  
mərig In rīmīrpen-ta Yesu Kristo mə  
tukrīvəhsi-pə nihuvəyen a.

<sup>10</sup> Mərig taktəkun ai, In rīmnor əpu nihuvəyen a kimi ətawə ye nuəyen kape Yesu Kristo, yame rīmivəh mīragh ətawə.

In rīmnor təkun nīmhəyen ye nəsanīnien kafan, mīvəhsi-pə Nəgkiarīen Huvə kape Kughen, yame ramhajoun ətawə kin nīmraghien rerīn.

1:6: 1 Tim 4:14

1:7: Rom 8:15

1:9: Efes 2:8-9; Taet 3:5

1:10: Hib 2:14

11 Kini Kughen rimirpen yo mə yo yəgkiar kirik, mine aposol, mine yhajoun, mə jakni-ərhav Nəgkiarien Huvə a. 12 Ror pən, yakamərig pik nəm həyən ye nıprak tukun. Mərig yakpəh naurisien, meinai yakwırkun-ta mə Pa e yakamhatətə iran. Mirkun huvə mə In rirkun narha-huvəyən tuk naha nhagin yame In rımnərəhu-pə ye kwermik mamvən meriaji Nıpig Kwasig.\*

13 Timoti, takətərig kin nhajounien atuatur kafak, mikwasig kin swatur kirikianə əmə, mamraptərəkin nhatətəyən mine norkeikeiyen yame ramsi-pən tuk Yesu Kristo. 14 Nanmın kape Kughen yame ramarə yerkitawə tukramasitu iram, mə takarha-huvə tuk nar huvə yame Kughen rımnərəhu-pre ye kwermim.

### *Pol ramni vi vi Onesiforas*

15 Timoti, ik nakirkun mə yo minə tiksın apa kwənmhan a Tarki, iriə kwərə mir e Fugelas mine Hemogenes, iriə m-fam kwəsapitan kin yo.

16 Mərig pəh Yesu Yermaru tukrivəh-sipən norkeikeiyen kimi Onesiforas mine kafan minə. Meinai nıpig rıpsaah, rınamasitu irak mivəhsi-haktə nətərigien kafak. Kini mıpəh naurisien mə kimivəhsi-pən yo ye kalabus. 17 Nəfra, nıpig in rımauə Rom, mamarhakın yo, marhakın muə meriaji-pə məm yo. 18 Kini nakirkun min mə in rımnasitu pik ye narımnar rıpsaah apa Efesas. !

---

1:11: 1 Tim 2:7 \* 1:12: Swatur pisin kirik tuk nukrekin-ien v. 12: "Mirkun huvə mə In rirkun narha-huvəyən naha nhagin yame yo yakamərəhu-pən ye kwermın mivən meriaji Nıpig Kwasig."

1:14: 1 Tim 6:20

Pəh Yesu Yermaru tukrivəh-sipən norkeikeiyen kimin ye Nipig Kwasig!

## 2

### *Norien kape mobael huvə kape Yesu Kristo*

<sup>1</sup> Timoti, narik, pəh Kughen tukror rikim rəsanin ye nihuvəyen yame ramsi-pən ye Yesu Kristo.

<sup>2</sup> Naknərig-ta nhajounien kafak yamə yakavəhsi-ərhav ye nimir narmamə khapsaah. Vəh nhajounien en, mərəhu-pən ye kwermi narmamə

tiksın yamə mine narmamə kashatətə irəriə, mə iriə tukharkun nishajounien narmamə minə min tiksın kin. <sup>3</sup> Nipig nahasien ramuə tuk ətawə, takaməkeikei mərəer tim tim rəmhen kin mobael huvə kirik kape Yesu Kristo. <sup>4</sup> Rəmhen kin mobael kirik to rapəh norien narimnar yame narmamə

apnapig kasor, məriğ in ramor əmə nəkwai kapten kafan. <sup>5</sup> Rəmhen kin yermamə yame ramaiyu mə tukrapita mivəh nərok iran, tukraməkeikei məri-pən fam loa minə kape naiyuyen, tamə ripəh nivəhyen nərok iran. <sup>6</sup> Ratuatuk əmə məkneikin, mə yermamə yame ramor pik wok ye nəsimien, in tukrəkupən mivəh kwənkwan. <sup>7</sup> Rhuvə mə rikim tukraməsik nəgkiarien kafak, meinai Yesu Yermaru tukrasitu iram tuk nirkunien niprai nəgkiarien minə e.

<sup>8</sup> Rikim tukraməsik kwənərəus kirik kape King Deved, Yesu Kristo, In a Kughen rimivəh miragh In ye nimhəyen kafan. Kini in e Nəgkiarien Huvə yame yakamni-ərhav. <sup>9</sup> Məriğ kamor yo yakaməriğ nəmhəyen tuk Nəgkiarien Huvə a,

<sup>8</sup> Rikim tukraməsik kwənərəus kirik kape King Deved, Yesu Kristo, In a Kughen rimivəh miragh In ye nimhəyen kafan. Kini in e Nəgkiarien Huvə yame yakamni-ərhav. <sup>9</sup> Məriğ kamor yo yakaməriğ nəmhəyen tuk Nəgkiarien Huvə a,

<sup>8</sup> Rikim tukraməsik kwənərəus kirik kape King Deved, Yesu Kristo, In a Kughen rimivəh miragh In ye nimhəyen kafan. Kini in e Nəgkiarien Huvə yame yakamni-ərhav. <sup>9</sup> Məriğ kamor yo yakaməriğ nəmhəyen tuk Nəgkiarien Huvə a,

<sup>8</sup> Rikim tukraməsik kwənərəus kirik kape King Deved, Yesu Kristo, In a Kughen rimivəh miragh In ye nimhəyen kafan. Kini in e Nəgkiarien Huvə yame yakamni-ərhav. <sup>9</sup> Məriğ kamor yo yakaməriğ nəmhəyen tuk Nəgkiarien Huvə a,

<sup>8</sup> Rikim tukraməsik kwənərəus kirik kape King Deved, Yesu Kristo, In a Kughen rimivəh miragh In ye nimhəyen kafan. Kini in e Nəgkiarien Huvə yame yakamni-ərhav. <sup>9</sup> Məriğ kamor yo yakaməriğ nəmhəyen tuk Nəgkiarien Huvə a,

<sup>8</sup> Rikim tukraməsik kwənərəus kirik kape King Deved, Yesu Kristo, In a Kughen rimivəh miragh In ye nimhəyen kafan. Kini in e Nəgkiarien Huvə yame yakamni-ərhav. <sup>9</sup> Məriğ kamor yo yakaməriğ nəmhəyen tuk Nəgkiarien Huvə a,

<sup>2:3:</sup> 2 Tim 1:8    <sup>2:5:</sup> 2 Tim 4:8    <sup>2:6:</sup> 1 Kor 9:7    <sup>2:8:</sup> Rom 1:3; 1 Kor 15:4

kamarkis-ətərikin yo kin jen rəmhen kin yemə has kirik. Mərig keinein narkis-ətərakin-ien Nəgkiarien kape Kughen. <sup>10</sup> Ror məkneikin mə yakamərer tim tim ye nəmhəyen minə fam tuk narmamə yamə minə Kughen rimirpen əriə, mə Yesu Kristo tukrivəh miragh əriə, tuksarə iriə Kughen ye nikhakien kafan kape rerin.

<sup>11</sup> Nəgkiarien e raməfrakis mə, Tukmə kitawə khauə kirikianə ye Yesu Kristo ye nımhəyen kafan, kini In tukrivəh miragh min ətawə.

<sup>12</sup> Tukmə kasərer tımtim, kini kitawə tuksarmaru kitawə min. Tukmə kitawə khaukrekin-pən nımetaitawə kimin, Kini In tukrukrekın-pən nımeitaan kimi ətawə.

<sup>13</sup> Tukmə kitawə kasəkapir pawk nəgkiarien kafan, mərig In tukraməkeikei mor, meinai In to rapəh nakapirien kafan nəgkiarien.

*Norien atuatur kape nhajounien Nəgkiarien kape Kughen*

<sup>14</sup> Takuh riki narmamə kin nəgkiarien minə e. Kini mamor kwirig kimi əriə ye nımri Kughen mə iriə tukhapəh nisotgohyen tuk nəgkiarien apnapig. Kisotgoh, ripəh nasituyen ye yermamə kirik; mərig ramoriah əmə narmamə yamə mine kasətərig kin. <sup>15</sup> Arkut skai mə norien kafam tukrhuvə, rəmhen kin yermamə yame ravhirəkin nar, yamə to rapəh naurisien tuk kafan

---

2:9: Efes 3:1,13; Fil 1:12-14    2:11: 2 Kor 4:11    2:12: Mat 10:33    2:13: Rom 3:3-4; Taet 1:2    2:14: 1 Tim 6:4; Taet 3:9

norien. Tukmæ nīpīg Kughen rəm kafam wok, In rirkun neighanien kīn, meinai nakamhajoun atuatur nægkiarien kape nəfrakisien. <sup>16</sup> Apəh kini marer isok tuk nægkiarien yamə mine nīprairiə rirkək, mine yamə mine khapəh nhasiayen Kughen, meinai narmamə yamə mine kasəgkiar məkna, kamhavən isok pīk tuk Kughen. <sup>17</sup> Kini nhajounien kapəriə rəmhen kīn nīmap pien kīrik yame raməmhir, mamehuə pīk. Kwərə mir kīraru irəriə: Haemeneus mine Faelitas. <sup>18</sup> Iriu kīmiravən isok tuk nəfrakisien, marəni mirəmə, “Kughen rīmnor ta narmamə kamhamragh mīn ye nīmhəyen, kini to rīpəh nor-mīn-ien irətawə tuk nīpīg kīrik.” Kwərə mir ai kworiah nhatətəyen kape narmamə tīksīn. <sup>19</sup> Mərig nar apnəpīg əmə, səpaag ye nīmə yame Kughen rīmnəpīp ramərer tīm tīm. Kini rīmirai-pən nægkiarien kīrik iran mīmə, “Kughen Yermaru rirkun narmamə kafan mīnə,”

*(Nam 16:5)* mine, “Narmamə yamə mine kamhani mhamə iriə narmamə kape Yermaru, tukasəkeikei mīsapəh norien has mīnə.”

<sup>20</sup> Etərig-ru. Ye nīmə kape yermamə yame kafan nautə rīpsaah, plet mine besin pīsīn pīsīn mīnə khapsaah. Kamor tīksīn kīn gol, tīksīn kīn silva, tīksīn kīn nai, tīksīn kīn kapier. Kampīk tīksīn, kamətu-pən nar huvə əmə iran. Kampīk tīksīn, kamətu-pən nīrəsīg iran. <sup>21</sup> Rəmhen kīn narmamə. Tukmæ kīhvi-ta nīrəsīg yerkiəriə, khauə mīsəmhen kīn plet uə besin yame kamətu-pən nar huvə iran. Kīsatuatur, mharkun nīsorien wok ehuə kape Kughen. Masarer matuk tuk norien nar huvə

minə.

<sup>22</sup> Aiyu mivən isok tuk norien has yamə mine kamhaurə yerki nitamaruə. Kini maməripən huvə swatuk kape norien yame ratuatuk, mine nhatətəyen, mine norkeikeiyen, mine nəmərinuyen. Əri-pən swatuk a kimiə narmamə yamə mine nakasaiyoh Yesu Yermaru kin nasituyen, yerkiyə yame rhuvə. <sup>23</sup> Ap mivən isok tuk nəgkiarien ətəwao yamə mine nıprairiə rirkək. Nəgkiarien minə e kamhavi-pə əmə timət tuk notgohyen. <sup>24</sup> Mərig yorwok kirik kape Yesu Yermaru tukripəh notgohyen, mərig tukraməkeikei mor huvə pən kimi narmamə m-fam, kini tukraməkeikei muə rəmhen kin yermamə kape nhajounien, kafan nətərigien tukrapomh. <sup>25</sup> Kini tukmə narmamə tiksın kamhani hah kafan nhajounien, in tukraməkeikei meiwaiyu, maməvhag kimi əriə. Tukmə ror Kughen tukreighaan kin əriə mə iriə tuksarar ye nərigien kapəriə tuk təvhagə hah, mə iriə tukharkun nəfrakisien. <sup>26</sup> Pəh iriə tukhauə min ye nətərigien huvə, kini misəta ye kwənməkuru kape Setan, yame ramraptərəkın əriə, kasor nəkwan.

### 3

*Kwasig ikın Yesu tukruə məkir narmamə, nahasien tukruə*

<sup>1</sup> Kini takaməkeikei mırkun min narımnar e: Nıpig Kwasig tukruə ipakə, nıpig əutən minə tukhauə. <sup>2</sup> Meinai, narmamə tukasərig əmə



əriə, misorkeikei pik mane. Misausit, mhavəhsi-haktə atuk əriə. Mamhani hah narmamə, misəsik nəkwai nisinriə minə mine rimriə minə, mhapəh nhani-vivi-yen narmamə tuk nasituyen, mhapəh nhasiayen Kughen. <sup>3</sup> Norkeikeiyen kapəriə tukrirkək. Tukhapəh nisəru-kinien təvhagə hah yamə kamor irəriə. Tuksoriah nhag narmamə. Mhapəh nisarha-huvəyen tuk nimraghien kapəriə. Rikiria tukragien tuk noriahyen yermamə. Tuksəmakin nar huvə minə. <sup>4</sup> Iriə kəut kəsua minə. Tuksor narimnar ye nətəwaoyen. Mhavəhsihaktə atuk əriə. Misorkeikei narimnar tuk nərig-huvə-yen ye niprairia, mərig tukhapəh misorkeikeiyen Kughen. <sup>5</sup> Tukhasigəvin əmə nəhuakien, mhapəh niseighanien mə Kughen tukrivən yerkiria.

Yuvən isok tuk narmamə kator məkna <sup>6</sup> meinai kamhavən yerkwanu minə, masor nar iko tuk nhavi-ta-yen nərigien kape nipiraovin yamə mine kapəriə nərigien rapəh niskaiyen. Təvhagə hah kape nipiraovin minə a rəmhen kin kajipə pam. Rikiria rivən tuk norien hah, kini ravi-əhu əriə. <sup>7</sup> Iriə kasətərig kin nhajounien pisin pisin, mərig tukhapəh nhaniyen nəfrakisien ye Nəgkarien Əfrakis kape Kughen tuk nipig kirik.

<sup>8</sup> Apa kupən, kwərə mir a Janes mine Jambres\* kimawəsik nəgkarien kape Moses, kini ye norien kirikianə əmə min, narmamə minə tiksın kisəsik nəgkarien əfrakis kape Kughen. Narmamə minə a, nərigien kapəriə rinahas. Nhatətəyen kapəriə rapəh nəmhenien. <sup>9</sup> Mərig nhajounien eikuə kapəriə to rapəh nərerien ror tu, meinai tukpiəm

---

3:5: Mat 7:15,21; Taet 1:16

\* 3:8: Eks 7:11, 22, 9:11.

əpu nətəwaoyen kapəriə, rəmhen kin kwərə mir a Janes mine Jambres.

*Mə Timoti tukrəri-pən norien kape Pol*

<sup>10</sup> Mərig ik, Timoti, nakaməri-pən kafak nhajounien, mine norien kape nımraghien kafak, mine naha nhagin yame yakmə jakor, mine kafak nhatətəyen, mine nətərigien apomh kafak, mine kafak norkeikeiyen, mine nərə-tim-timien kafak. <sup>11</sup> Ik nakwırkun-ta nıpig əutən yamə mine kımnhauə ye nımraghien kafak, mine norien has yamə mine kımnor irak. Nakırkun norien əutən yamə mine kımnor irak apa Antiok mine Ikoniam mine Listra. Mərig Yesu Yermaru rımırəhsi-ta yo ye narımnar m-fam a. <sup>12</sup> Mərig, nəfrakisien: Tukah narmamə m-fam yamə mine khamə tüksor kırıkianə iriə Yesu Kristo, masor nəkwai Kughen. <sup>13</sup> Kini mərig nəmə has minə, mine narmamə kape neikuəyen, iriə tüksor norien has, mhavən, masor yame rahas əgkəp. Tukameikuə irəriə, kamhavən maseikuə ye narmamə.

<sup>14</sup> Mərig ik, Timoti, ik nakwırkun huvə ta əmawə yamə mine yakshajoun ik. Ror pən takaməkeikei məri-pən əmə narımnar yamə mine yakshajoun ik kin, yamə mine nakamni nəfrakisien irəriə. <sup>15</sup> Ye nəkəskəhyen kafam muə meriaji-pə taktəkun, nakwırkun-ta Nəkwəkwə kape Kughen e yame rirkun nıvəhsi-preyen nirkunien kımik mə takhatətə ye Yesu Kristo mə Kughen tukrıvəh mıragh ik. <sup>16</sup> Nəgkiarien m-fam ye Nəkwəkwə kape Kughen kamhasi-pən ye nəkwai Kughen

3:11: Wok 13:50; 14:5; 14:19  
16:24; Jon 15:20; Wok 14:22

3:11: Sam 34:19

3:12: Mat

əmə, kini misasitu irətawə. Mishajoun ətawə, mamhani-ərhav norien has minə kapətawə, masərəhu atuaturəkətawə, kini mishajoun ətawə kin norien yamə mine kisatuaturək. <sup>17</sup> Kisasitu irətawə məkneikin: Kitawə narmamə kape Kughen minə, tukhavəh nasituyen minə fam a, kini mhauə narmamə yamə mine kharkun nisorien wok huvə minə m-fam.

## 4

<sup>1</sup> Timoti, jakvəhsi-pre nəgkiarien keikei kirik kimik ye nimri Kughen mine Yesu Kristo yame tukruə məkir narmamə m-fam, iriə yamə mine kamhamragh, mine yamə mine kwənhamhəta. Yesu e natukruə mamarmaru; ror pən, yakavəhsi-pre nəgkiarien keikei e mimə: <sup>2</sup> Ni-ərhav nəgkiarien kape Kughen, kini arer matuk tuk nini-ərhavyen, nar apnapig mə rimar əmə uə rəutən. Ərəhu atuaturək norien kape narmamə, kini ni-ərhav norien has minə, kini mivəhsihaktə nətərigien kape narmamə. Takamor wok minə e, kafam nətərigien tukrapomh, kini kafam nhajounien tukratuaturək mihuvə. <sup>3</sup> Takaməkeikei mor məkneikin meinai, nipig yame ramuə, narmamə tuksəpəh nəgkiarien atuaturək, misəripən əmə nərigien kapəriə, mamhavəh namhajoun pisin pisin yamə mine kamhani-ərhav əmə nəgkiarien yame narmamə rikiriə ragien tukun. <sup>4</sup> Tukhaukreikin-pən nimətirgiriə tuk nəgkiarien əfrakis, mhavən misətərig kin kwanage eikuə minə.

<sup>5</sup> Mərig ik, arha huvə tuk kafam nərigien nipig m-fam, nar apnapig mə narimnar pisin pisin

minə kamhauə ye nımraghien kafam. Nıpıg nahasien tukramuə tuk ik, takamərer tim tim. Kini yuvən, markurao, mamni-ərhav Nəgkiarien Huvə. Kini takaməkeikei mamor fam wok yame Kughen ravəhsi-pre kimik mə takor.

<sup>6</sup> Mərig yo, pəh nien mə tuktu, yakmhə. Nımraghien kafak ruauə rəmhen kin nar mıragh kırık yame kivaan əru tuk nini-vi-vi-yen Kughen. <sup>7</sup>Yo, yimnamaiyu əmə tuk nhatətəyen ye Kughen, mamaiyu huvə meriaji naiyuyen infamien; yakwəaptərəkin nhatətəyen kafak. <sup>8</sup>Yermamə yame ramaiyu mapita, kəvhəvhao-pən kimin rəmhen kin nərok kafan. Kini Yesu Yermaru, In raməkir huvə narmamə, məkir nımraghien kafak, mə ratuatuk. Mor apnəpeinə tuk nərok kafak. Kini pəh nien mə yo pisin əmə, mərig tukrivəhsi-pən kimi narmamə m-fam yamə mine kisorkeikei mamhawhin mə In tukruə min.

*Pol raməvsao kin kafan minə tiksın*

<sup>9</sup>Timoti, arkut skai mhai miren muə məm yo, <sup>10</sup>meinai kwən a Demas rorkeikei pik nımraghien kape tokrei tanə e, marar, mapta kin yo, mivən apa Tesalonaeka. Kini kwən a Kresens ruavən ta apa Galesia\*, kini Taetas ruavən ta apa Dalmesia. <sup>11</sup>Kini taktəkun ai, Luk pisin əmə ramarə kimru min. Rhuvə mə takrauə kimiru Mak, meinai in tukrasitu irak tuk wok kafak. <sup>12</sup>Mərig yimnher-pən ta kin kwən a Tikikas apa Efesas. <sup>13</sup>Tukmə nıpıg nakamuə, takaməkeikei mırəh neipən a yame yimnərəhu raməmır apa imei Kapas, apa

---

4:6: Fil 2:17    4:7: 1 Tim 6:12    \* 4:10: Tukmə ror Kresens rimavən apa Spen.    4:11: Wok 15:37-39; 2 Kor 8:23; Kol 4:14

Traos. Rhuvə mə takpik min kafak nəkwəkwə minə muə. Mipəh nərū-kinien nəkwəkwə yamə mine kinnor kin tiki nəni, mipik, muə.

<sup>14</sup> Mərig kwən a Aleksanda, in yermamə kape norien wok ye aean, in rimnor rahas-pə kimi yo. Yesu Yermaru tukrivəh-sipən tai norien kafan.

<sup>15</sup> Mərig ik min takamərig ik tuk kwən a, meinai in rimnaməsik pik nəgkiarien kapətawə.

<sup>16</sup> Kini nipig kimisəkupən misərip yo ye kot, yimini-ərhav nərigien kafak, kini yermamə rirkək tuk neighanien kin kafak nəgkiarien. Mərig kafak narmamə minə kimisap, misəpəh yo. (Pəh Kughen tukripəh norien tai norien kapəriə).

<sup>17</sup> Mərig nipig a, Yesu Yermaru, In raməmīr kimru min, mivəhsi-pə nirkunien kimi yo mə jakni-ərhav huvə Nəgkiarien Kafan, mə nəmə tanə pisin pisin minə tuksərig. Yemehuə kape kot ipakə əmə rimə tukrivəhsi-pə narpinien kimi yo mə jakaməkeikei mimhə, mərig Yesu Yermaru rimivəh miragh yo.†

<sup>18</sup> Kini In tukrivəhsi-ta yo tuk nahasien fam yamə mine kimə tukor irak. Mamraptərəkīn huvə yo, mivəh yo mivən ye rao ye neai. Pəh khavəh-sihaktə In ye newk mine newk kape rerin. Amen.

### *Nəgkiarien infamien*

<sup>19</sup> Yakamni rhuvə tuk Akwila mine piraovin kafan Prisila, mine Onesiforas mine kafan minə.

<sup>20</sup> Kwən a rimnaməmīr apa Korin. Nipig yimitərhav apa Maelitas, mipəh Trofimas raməmīr, meinai in ramhə.

---

4:13: Wok 20:6    4:14: Aes 59:18; Rom 2:6    † 4:17: Pol rimə, “Yesu rimivəhsi-ta yo ye nəkwai laeon.”    4:19: Wok 18:2; 2 Tim 1:16-17    4:20: Wok 19:22; 20:4; Rom 16:23

<sup>21</sup> Timoti, arkut skai mhai miren muə eikɪn e kwasig ikɪn nɪpɪg kape nokieiyen.

Yubulas mine Pudens mine Linus mine Klodia, mine nəməhuak minə fam kamhani rhuvə pre tuk ik.

<sup>22</sup> Pəh Yesu Yermaru tukramarə kimiru min. Pəh nihuvəyen kape Kughen tukramarə tuk əmiə.

**Nəkwəkʷə imərhakə kape kughen: nīrpenien  
vi  
The New Testament in the Southwest Tanna Language  
of Vanuatu  
Le Nouveau Testament dans la langue sud-ouest Tanna  
de Vanuatu**

copyright © 2011 Wycliffe Bible Translators, Inc.

Language: Southwest Tanna

Translation by: Wycliffe Bible Translators, Inc.

**Copyright Information**

© 2012, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Tanna, Southwest

**© 2012, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-03-11

---

PDF generated using Haiola and XeLaTeX on 4 Mar 2023 from source files dated 22 Nov 2019

ad9e16d0-33ca-5cbe-ad05-46d1635fa22b